

AUGLÝSING

(IV) um staðfestingu reglna sveitarfélaga um úthlutun byggðakvóta.

1. gr.

Með vísan til 3. mgr. 6. gr. reglugerðar nr. 722, 4. ágúst 2005, um úthlutun byggðakvóta fiskveiðaráranna 2005/2006, staðfestir ráðuneytið eftirfarandi úthlutunarreglur þessara sveitarfélaga:

1. Bolungarvík.

1. Úthluta skal 75% af byggðakvóta Bolungarvíkur miðað við afla sem landað er til fiskvinnslu í Bolungarvík skv. eftirfarandi reglum:
 - a) Úthluta skal til aflamarksskipa og krókaafلامarksbáta með heimahöfn í Bolungarvík.
 - b) Einungis afli sem landað er í Bolungarvíkurhöfn, meðan bátur er í eigu útgerðaraðila, telst með í viðmiðun.
 - c) Einungis afli sem fer til fiskvinnslu í Bolungarvík samkvæmt skráningu á hafnarvog telst með í viðmiðun (fyrsti kaupandi).
 - d) Umsóknaraðili eða fyrirtæki, sem hann á að hluta eða öllu leyti, þarf að hafa verið í útgerð 1. september 2005.
 - e) Hámarksúthlutun á bát er 20 tonn en lágmarksúthlutun 100 kg. Það magn sem skorið er af vegna þessara takmarkana fer aftur í „pottinn“ og er úthlutað til annarra sem uppfylla skilyrði til úthlutunar skv. 1. tölulið. Miðað skal við slægðan fisk.
 - f) Útgerðaraðili sækir um úthlutun samkvæmt lönduðum afla í Bolungarvík til fiskvinnslu í Bolungarvík á fiskveiðarárinu 2004/2005.
 - g) Úthlutun er til hvers báts samkvæmt hlutfalli afla, sem landað var til fiskvinnslu í Bolungarvík samkvæmt ofangreindum skilyrðum miðað við áætlaðar vigtarskýrslur sem geta breyst í samræmi við rökstuddar umsóknir.
2. Úthluta skal 20% af byggðakvóta Bolungarvíkur miðað við afla sem landað er í Bolungarvík en fer ekki til vinnslu þar samkvæmt eftirfarandi reglum:
 - a) Úthluta skal til aflamarksskipa og krókaafلامarksbáta með heimahöfn í Bolungarvík.
 - b) Einungis afli sem landað er í Bolungarvíkurhöfn, meðan bátur er í eigu viðkomandi útgerðaraðila, og fer ekki til vinnslu í Bolungarvík, telst með í viðmiðun.
 - c) Umsóknaraðili eða fyrirtæki, sem hann á að hluta eða öllu leyti, þarf að hafa verið í útgerð 1. september 2005.
 - d) Hámarksúthlutun á bát er 7 tonn en lágmarksúthlutun 100 kg. Það magn sem skorið er af vegna þessara takmarkana fer aftur í „pottinn“ og er úthlutað til annarra sem uppfylla skilyrði til úthlutunar skv. 2. tölulið. Miðað skal við slægðan fisk.
 - e) Útgerðaraðili sækir um úthlutun samkvæmt lönduðum afla bátsins í Bolungarvík á fiskveiðarárinu 2004/2005 að frádregnum afla sem landað er til vinnslu í Bolungarvík.
 - f) Úthlutun er til hvers báts samkvæmt hlutfalli afla, sem landað var í Bolungarvík að frádregnum afla sem fór til vinnslu þar skv. ofangreindum skilyrðum miðað við áætlaðar vigtarskýrslur sem geta breyst í samræmi við rökstuddar umsóknir.
3. Úthluta skal til nýrra útgerða 5% af byggðakvóta Bolungarvíkur skv. eftirfarandi reglum:
 - a) Úthluta skal til aflamarksskipa og krókaafلامarksbáta með heimahöfn í Bolungarvík sem hófu útgerð á fiskveiðarárinu 2004/2005.
 - b) Útgerðaraðili sem vill nýta viðmiðun frá öðrum bát sem hefur verið seldur getur ekki fengið úthlutun skv. þessari reglu.

- c) Umsóknaraðili eða fyrirtæki, sem hann á að hluta eða öllu leyti, þarf að hafa verið í útgerð 1. september 2005.
 - d) Hámarksúthlutun á bát er 3,6 tonn en lágmark 100 kg. Miðað skal við slægðan fisk.
 - e) Hámarksúthlutun fyrir hvern mánuð sem bátur er skráður í eigu útgerðaraðila á fiskveiðarárinu 2004/2005 er 0,3 tonn.
 - f) Útgerðaraðili sækir um úthlutun samkvæmt tímabili sem báturinn var í hans eigu á fiskveiðarárinu 2004/2005.
 - g) Úthlutun er samkvæmt þeim fjölda mánaða sem bátur var í eigu útgerðar fiskveiðarárið 2004/2005.
4. Bátar/skip geta átt rétt á úthlutun skv. 1., 2. og 3. tl. Leggst þá saman úthlutunin samkvæmt hverjum tölulið fyrir sig. Hámarksúthlutun á hvern bát er sjálfstæð samkvæmt hverjum tl. af 1. til 3. tl. Þ.a. úthlutun samkvæmt einum tölulið hefur engin áhrif á úthlutun, eða hámark samkvæmt einhverjum öðrum tölulið.
 5. Byggðakvótinn er ekki framseljanlegur.
 6. Ef magn til úthlutunar skv. 3. tl. er ekki fullnýtt, þá leggst það við magn í 2. tl.

2. Dalvíkurbyggð.

1. Allur sá kvóti sem úthlutað er skal landað í Dalvíkurbyggð. Einungis verður úthlutað til báta sem skráðir eru í sveitarfélaginu 1. september 2005 og hafa gilt veiðileyfi.
2. Dalvíkurbyggð mun auglýsa eftir umsóknum. Umsóknir um byggðakvóta þurfa að berast bæjarstjóra fyrir 20. janúar 2006.
3. Úthlutun aflaheimilda til einstaka byggðarlaga á einstaka útgerð skal skipta samkvæmt eftirfarandi: 30% skiptist jafnt og 70% hlutfallslega miðað við kvótaeign 1. september 2005. Hámarksúthlutun verður þó aldrei meiri en 100% af upprunalegri kvótastöðu og aldrei meiri en 12 þorskígildistonn til þeirra sem sækja um samkvæmt 1. og 2. tl.
4. Kvóti sem úthlutað er til stuðnings sjávarbyggðum sbr. reglugerð nr. 596, 8. ágúst 2003 er ekki framseljanlegur. Ef sýnt þykir að úthlutuðum kvóta verði ekki ráðstafað samkvæmt reglum þessum skal útgerðaraðili afsala sér þeim aflaheimildum sem honum var úthlutað á grundvelli þessara reglna. Komi til endurúthlutunar skal skipta endurúthlutuðum aflaheimildum samkvæmt ákvæðum 3. tl. milli þeirra útgerða sem uppfylla ákvæði 1. tl. og sent hafa inn gilda umsókn um byggðakvóta.
5. Útgerðaraðilum sem úthlutað er kvóta er heimilt að skipta á jöfnu á markaðsvirði á úthlutuðum tegundum, án þess að það teljist til framsals á úthlutuðum kvóta.

3. Skeggjastaðahreppur.

1. Réttur til úthlutunar:
 - a) Rétt til úthlutunar á veiðiheimildum eiga fiskiskip með skráða heimahöfn í Skeggjastaðahreppi á sl. fiskveiðarári. Einnig eiga bátar rétt á úthlutun ef eigendur þeirra hafa átt lögheimili og starfsstöð í Skeggjastaðahreppi á umræddum tíma.
 - b) Einungis aflamarksskip undir 100 brl. og krókaafلامarksbátar eiga rétt á úthlutun.
 - c) Sækja þarf um byggðakvóta til sveitarstjórnar vegna einstakra fiskiskipa fyrir 1. febrúar 2006. Með umsókn skal fylgja skriflegur samningur um viðskipti á lönduðum afla sbr. 3. tl.
2. Viðmiðanir við skiptingu kvóta:
 - a) Skipting kvóta skal vera jöfn milli fiskiskipa sem fá úthlutun en þó með þeirri takmörkun sem greinir í 2 b.
 - b) Úthlutaður byggðakvóti hvers fiskiskips skal þó aldrei vera hærri en sem nemur úthlutuðu aflamarki viðkomandi skips í upphafi fiskveiðarárs. Vikið skal frá þessari

takmörkun á hlut hvers fiskiskips fáist heildarhlut byggðarlags ekki skipt með öðrum hætti.

3. Skilyrði um meðferð úthlutaðs kvóta:

- a) Við umsókn um kvóta þarf að liggja fyrir skriflegur samningur milli kvótaumsækjanda og vinnsluaðila í Skeggjastaðahreppi um sölu afla með fyrirvara um úthlutun. Samningur tilgreinir m.a. eftirfarandi:
 - i) Kvótaumsækjandi skuldbindur sig til að leggja úthlutaðum kvóta upp hjá viðkomandi vinnslustöð.
 - ii) Að auki skuldbindur kvótaumsækjandi sig til að leggja upp að lágmarki eitt tonn af sinni aflaheimild á móti einu tonni úthlutaðs byggðakvóta hjá viðkomandi vinnslustöð.
 - iii) Í samningnum ber að tilgreina lágmarksákvæði um verð og greiðsluskilmála.

4. Endurúthlutunarreglur:

- a) Í þeim tilvikum þegar útgerð fiskiskips sem gefinn hefur verið kostur á úthlutun á byggðakvóta afsalar sér honum eða missir vegna þess að hann fullnægir ekki skilyrðum skal sveitarstjórn endurúthluta kvótanum jafnt á þau skip sem úthlutun hafa fengið.
- b) Nú getur viðkomandi vinnslustöð ekki staðið við samning um móttöku afla á þeim kjörum sem um getur í samningi og er þá kvótaumsækjanda heimilt að rifta samningi. Öðrum vinnsluaðilum í Skeggjastaðahreppi skal þá boðið að ganga inn í samning á sömu kjörum.
- c) Þróunarfélag Austurlands hefur úrskurðarvald um hvort skilyrðum sé fullnægt skv. 4 t.l. a) og 4 t.l. b) og hefur eftirlit með endurúthlutun/yfirfærslu samninga.

5. Eftirlit:

- a) Þróunarfélag Austurlands er eftirlitsaðili að framkvæmd þessari og ber sveitarstjórn að afhenda Þróunarfélaginu afrit af öllum gögnum er varða úthlutun á byggðakvóta.

2. gr.

Auglýsing þessi er gefin út með stoð í 4. mgr. 4. gr. reglugerðar nr. 960, 6. desember 2004, um úthlutun á þorskígildislestum til stuðnings byggðarlögum, til þess að öðlast þegar gildi.

Sjávarútvegsráðuneytinu, 21. desember 2005.

F. h. r.

Jón B. Jónasson.

Guðný Steina Pétursdóttir.